

Na obali rijeke u Parizu pojavilo se tijelo kita

Nevjerovatne scene začudile su prethodnih dana brojne stanovnike i posjetioce Pariza, nakon što se jedno jutro na obali rijeke Seine pojavilo tijelo kita.

Mnoštvo prolaznika okupilo se oko tijela ovog kita, kako bi proučavali o čemu je riječ, a neki od njih su se čudili kako je moguće vidjeti ovu veliku životinju gotovo u centru Pariza, kada se one pojavljuju samo na obalama okeana, prenosi IFLScience.

Ipak, neke od njih nije zavarao realistični izgled predstavnika najvećih sisara na svijetu, te je uskoro otkriveno kako je riječ o umjetničkoj postavci koja za cilj ima ukazati na problem velikog utjecaja zagađenja okoliša na smrt kitova.

“Postavili smo statuu na obalu tokom noći, a pripremili smo krv i neugodan miris, kako bi dočarali kompletnu scenu”, saopćeno je iz Captain Boomer kolektiva, koji je autor ove instalacije.

Date: 26-07-2017